

佛說八大人覺經講義 (六)

寬如合撰

丙二 覺少欲無爲去貪欲迷

第二覺知多欲爲苦，生死疲勞，從貪欲起，少欲無爲，身心自在。第二種應覺悟了知之法，以去貪欲之邪倒，承上既知無常苦空無我，則何須貪欲？故次明少欲。

『多欲爲苦，生死疲勞，從貪欲起』，此三句直明多欲，爲招苦之由，點出衆生之病源，是生死之根本。唯識論云：「云何爲欲，於所樂境希望爲性」，俱舍論云：「欲爲希求所作事業」。欲境分別有五：曰財，色，名，食，睡也。一財欲：非份貪求爲萬惡之源，二，色欲：男女業緣爲生死本。三，名欲：沽名釣譽，非同德望。四，食欲：只貪口腹。殘殺生靈。五，睡欲：飽食閒眠轉空喪天日。今以欲心豐富，營謀多方，故名多欲」。故境雖多，不出如上所列五種，如第一之財欲，以金銀財寶爲養身之資，男女貴賤，誰不貪戀，每有非份之求，爲萬惡之源。第二色欲者，如男女姿容，及象寶妙色，誰不愛悅，所謂色不迷人入自迷，酒不醉人人自醉，不能離三界者，爲色所迷故。故佛頂經云：「汝愛我心，我憐汝色」是也。第三名欲者，雖不貪色與財，惟名關難過，每以不擇手段而沽名釣譽，以致貪求不止，故非同德高望重而得榮名也。第四食欲者，唯求口腹之滋味，或爭取營養，不顧他亦有身，枉受傷殘，以供汝之滋養，慘哉！第五睡欲，終日竟夜，飽食閑眠，無所用心，空喪天日，如來說爲可憐愍者，當是欲爲招苦之由，即八苦中求不得苦，如增一阿含經云：「欲生諸煩惱，欲爲生死本」，故，佛遺教經云：「多欲之人，多求利故，苦惱亦多」。由貪多欲，逼迫身心，在營求時，多方設計，心勞日拙。妄作苦因，求到手時，盡情享受，夜以繼日，不知天日，醉生夢死，不肯罷休，於中展轉作業；以是罪基，享受已竟，福盡壽亦盡，無常到來，畢竟成空，萬般將不去，唯

有業隨身，一切欲境，悉爲生死苦本，故曰：「多欲爲苦」也。

『生死疲勞，從貪欲起』，明貪欲之因果，舉凡衆生之生死，往返不息，辛疲勞累之苦果，皆由貪欲爲因所招引也。

唯識論云：「云何爲貪於有？有具染着爲性，貪愛爲本，欲樂爲末」。圖覺經云：「一切衆生從無始際，由有種種恩愛，故有輪轉」以是之故，於生死六道中，無處不住，十方世界，無有如芥子許，非我受生之處。處處皆受生老病死。「故生如活牛剥皮，風刀解體，死時如生龜脫壳，老則氣銷容皺，病則誰肯替代，苦痛萬端，世世皆然，辛苦無量，然本具真心妙體，無生滅，修今有生滅者，皆因貪欲過咎，枉受輪轉，豈不疲勞，大智度論云：「菩薩得天眼，觀諸衆生輪迴五道，回旋其中，謂天中死人中生，人中死或龍中生，天中死地獄中死，地獄中死，鬼趣中生，羅、鬼、畜，亦復如是。欲界中死，色界中生，色界中死，無色界中生，亦復如是」。所以說六道輪迴，生死旋轉。故水懺云：「自惟有生死以來，所積身骨如毘富羅山，所飲母乳，如四海水，身所出血，復過於此」。衆生不痛生死是苦，且將苦作樂，假此幻軀，廣作諸惡，貪嗔嫉妬，恃強凌弱，自是非他，爭名奪利，埋沒性德，枉壓良善，無爲不爲，皆是貪欲爲因，感召來世生死果報，焉有不輪回者哉？實爲可痛，故云：「生死疲勞，從貪欲起」。經云：「諸苦所因，貪欲爲本，若滅貪欲，無所依止」。貪欲之因若滅，生死之果隨息矣。故佛名經云：「有愛則生，愛盡則滅」。故知生死貪愛爲本。當知有欲即有苦，欲絕則苦亡，夫欲無自性；從根塵妄生，若根不緣塵，欲從何生？欲不生則根淨，根淨障除，而靈光獨露矣。故知滅功德，損法財，無不由斯心意識。云何縱欲自取其咎，謂色欲如熱金丸，持之則燒，古今多少英雄豪傑，誰破色關？如周幽王之於褒姒，因而喪國，

優田王以色欲，故截五百仙人首，屈首藍弗，利根聰明能伏煩惱，至於非非想處定。因欲心生，失去神通，命終還墮畜生道中，飛狸之身，況復其餘，當知色欲害身，能喪法身，斷慧命，亡家敗國，莫此之由；聲欲如塗毒鼓，聞之則死，故宜遠之。如印度雪山有五百仙人修道，甄迦羅女，於雪山沐浴而歌，仙人聞其歌聲，遂失禪定，心醉狂逸，不能自主，以是之故，須呵聲欲，香欲如慙龍氣，嗅之則斃，開結使門，杜真正路，百年持戒，能一時壞，唯此香塵。大論云：「昔有羅漢入龍宮受食，鉢有餘粒，令沙彌洗滌剩米飯，嗅嗜之甚香美味，後潛入師坐之龍床，手捉床脚，俱入龍宮。龍謂何故將未得道者帶來？師言不覺，沙彌見龍女美妙端正無比，生大染着，遂發願奪取龍宮，出宮後精修施戒，願早造龍王，是時繞寺足下出水，自知龍業已成，即以袈裟覆頭入池而死，竟爲大龍，其未死前師友呵之，謂我決心已決，師友僧衆，池前嘆之，由着香故，致使爾也。彼以因香誘而致貪色，甘墮龍畜，縱有施戒，惜無淨心，徒勞學道，佛恩師恩齊負，愚惑之甚，味如沸蜜湯，飲之則爛舌，爲貪口腹，殘害生靈，喪德傷慈，耐債受輪，流轉無已，相殺相誅，竟無窮劫，互爲吞噉，都爲味欲，觸欲如睡獅，近之則嚙，如古有五通仙人，爲王所敬，飛行往返宮中，王捧仙足，手自奉膳，如是多年，王事遠行，囑后代之，后奉命事仙，仙觸后手柔輒，起欲心，失五通，只行出宮門，不敢復來宮中受供，失食故作殺盜淫，因此而墮，可不畏哉，故詩云：「遠之易爲士，近之難爲情，香味頹高志，聲色喪軀齡」，旨哉言乎！誠不我欺也，豈非生死疲勞，從貪欲起，若都攝六根，返觀自性，當下即是少欲出苦之方法。

『少欲無爲，身心自在』者，示對治之方，療病之法藥，使杜漸防微，毋因毫厘欲念，三塗業因，警爾情牽，萬劫繫鎖。『少欲』者，希求少而貪欲薄，即漸斷苦因，故云『少欲』，『無爲』者，無所作爲，不同有爲，有爲則有因緣做作故，是生滅法，喻如瓶器等；無爲者，天然妙理，非因緣造作故，是不生滅法，喻如虛空。華嚴大疏云：「以有所作爲，故名有爲。有爲是無常，無所作爲是無爲，無爲即是常也」，當知無常生滅，即生死

根。常住不生不滅，是涅槃本。若能少欲，則生死漸離，悟無爲妙理，則涅槃可趣，欲捨生死，趣涅槃，故當『少欲無爲』，生死既捨，則身不爲苦縛，頓離生老病死，名『身自在』，指歸涅槃，則心不爲形役，當無生住異滅，名『心自在』。遺教經云：『少欲能生諸功德，少欲之人，則無諂曲，以求人意，亦復不爲諸根所牽』是名『身自在』。又云：『行少欲者，心則坦然，無所畏憂，觸事有餘，常無不足，有少欲者，則有涅槃。』法華云：『盡諸有結，心得自在』。故曰：『身心自在』，少欲既能生諸功德，無欲更受無盡利益矣。以少欲則塵緣絕，無爲則根淨，根淨塵絕，則內外寂然，內外既寂，自在無拘，故得身無碍，而身自在，心無所繫，得心自在，離煩惱，斷生死，功歸少欲，要而言之，九界衆生，皆有作有爲，唯佛一人，方是究竟無作無爲，方稱眞解脫自在也。

按第一覺結示『如是觀察漸離生死』。此文義貫下每一覺法結文，皆應如是，蓋若能如是觀察『多欲爲苦，生死疲勞，從貪欲起』，則無論男女老少，在家出家，皆安份盡責，不肯分外貪求，更何有作奸犯科，刑事犯，爲人父母師長，如是教育子弟，幼承庭訓，稟受師教，則飛仔飛女何來，用此服務社會，則人人有信，彼此忠誠，不假法律，而治安整然。總言之，若能少欲，不非份求，不假其他作爲，自能家齊國治，天下平。則人人皆身心安樂，修道者，若能少欲無爲，內不隨根轉，外不隨塵逸。根塵不偶，則煩惱薄，而智慧生，自見眞如本心，親證妙法身，故曰『身心安樂，漸離生死』，此爲第二覺示觀行修法，是爲學道之基。

丙三知足修慧，去多求迷。

第三覺知心無厭足，惟得多求，增長罪惡，菩薩不爾，常念知足，安貧守道，惟慧是業。

『第三覺知』者，上既覺知多欲爲苦，則第三覺法，教以應知止知足，以去多求，而專修慧業也。

『心無厭足，惟得多求，增長罪惡』三句，是出多求之過，即衆生之通病，貪愛欲境而不休息，名曰『無厭足，惡求惡取，貪多務得，細大不瀾，故曰『唯得多求』。』

（待續）